



UNIVERSITÄTS-
BIBLIOTHEK
PADERBORN

**Poesis Sacra Sive Vitae, Mortis, Et Resurrectionis
Salvatoris Nostri Jesu Christi Historia**

Hermanni, Joachim Heinrich von

Hildesii, 1743

VD18 10904743

3tið. Decollatio S. Joannis Baptistæ.

[urn:nbn:de:hbz:466:1-68828](https://nbn-resolving.org/urn:nbn:de:hbz:466:1-68828)

Quo vir tam sanctus totam Jordanis eremum
 Condecoravisset, multo sermone revolvit.
 Ignivomis Vati vecto super astra quadrigis
 Comparat; Angelicum deprædicat esse ministrum
 Qui sibi strata viæ dignus Præcursor adornet
 Nullus, ait, novit, qualis quantûsve Propheta
 Hic sit Zacharides: rigido vestitur amictu,
 Et sua continuo gemitu jejunia pascit.
 Hic Athleta Dei latebris eductus eremi
 Ostendit, quanto deceat sudore mereri
 In terris vitæ Cœlestis præmia. Perge
 Indefesse pugil! rape per mea funera vitam
 His vix attentis pars adversaria jungit
 Pseudo-Prophetarum doctrinæ dogma Joannæ
 Et Phlegethontis, ait, auxiliantibus umbris
 Hanc rigidam vitæ methodum prætexere fallax
 Progenies Orci, Satanæque vaserrima pestis,
 Quæ ratio, vel causa movet tua pectora, Christus
 Si quandoque suis jejunia stricta remittit,
 Mox culpare; simul, dum jejunando Joannæ
 Emacerat vires, hunc infimulare rigoris
 Illiciti? quis vestra potest convicia linguæ
 Evitare satis? Jesu Via vera! loquatur,
 Dum tua jussa sequor, Mundus perversa; silet
 Ultima quando dies abscondita cordis apricam
 Proferet in lucem, fraudumq; abscondita pandam

POESEOS SACRÆ ET PARTIS TERTIÆ
 INDUCTIO TERTIA.

S. MATTH. CAP. 14.

Die autem natalis Herodis saltavit filia Herodiadis in
 medio, & placuit Herodi. Unde cum juramento pollicentem
 est ei dare, quodcumque postulasset ab eo. At illa præcepit
 mittere à matre sua, da mihi, inquit, hic in disco caput Joannæ Baptistæ

Baptistæ. Et contristatus est Rex : propter juramentum autem,
& eos, qui pariter recumbebant, jussit dari &c.

SYNOPSIS.

Dominus & Salvator noster Jesus Christus, post martyrium S.
Joannis Baptista, quod saltatrix Herodiadis filia callidè
promovit, in Bethania, & consiniis Jerusalem magno fervore
convionatur; & Lazarum, quem ut amicum singularem ascie-
verat, in quartum diem mortuum miraculosè resuscitat.

Inter mortales major virtute Joannes
Pergit inoffenso pede, debellare superbos
Et scelerum plenos, innodatósque tenaci
Luxuriæ nexu : quorum Coryphæus adulter
Herodes, fratrisque tori violator iniquus :
Utebatur enim, sicut memoravimus antè,
Conjuge germani fratris pro pellice ; toto
Incestus tanti scelus execrante Senatu.
Ex hac formosam facie, generavit adulter
Rex Herodiadem, saltandi dote superbam:
Et quia formosæ mater formosa puellæ,
Reginæ titulo multùm lætata, timebat,
Ne forsan monitis Baptistæ expulsa, coronam
Perderet; hunc odii, quibus hæctenus arsit, aper-
In rabiem versis, flagrat extirpare; faventem (tam
Expectans sceleri lucem, Bertamque procacem
Informans, ut, quando patris frons libera rugis,
In nubisque foret, captivi colla Joannis
Expeteret; siquidem Reginæ matris honorem
Indomito semper proscinderet ore, sacrâmque
Ipsius Regis personam redderet urbi
Exosam; blandis jungendo pericula verbis,
Ex hoc contemptu certò metuenda deinceps.
Audit adulterio famosæ dogmata matris,
Innatósque dolos, non degener ipsa, capeffit.
Confilii tragicas in opus producere scenas,

K

In-

^{Matt.} Ingruit apta dies. Induxit adultera mœchæ
^{14.} Ut daret electis convivia lauta propinquis
^{Marc.} Quos sibi devotos applaudentesque sciebat
 6. Accubuit mensæ Rex ; pellex garrula Regi
 Assidet à læva ; saltatrix filia dextram
 Occupat ; & Proceres parasiti , sicut honores
 Exigit ordo , replent subsellia strata : referunt
 Majestate domus Regalis : mensa redundat
 Innumeris dapibus : redimiti floribus ampullæ
 Crateres referunt celeri bona vina meatu.
 Nulla manus viduata scypho. Rex ebrius ardet
 Læta chorearum , modulos , circosque saltans
 En ! Herodiadis saltu suspensus , ovantem
 Aspicit , & magnâ laudum novitate coronat
 Quippe pedum manuumq; vagâ levitate super
 Nunc latus in dextrum, nunc inclinata sinistra
 Nunc salit antrorsum , nunc diffluit acta retro
 Mille figurarum formas, dum Musica vocum
 Alternat modulos , saltatrix lena novellat :
 Jam ciet obliquos , jam curvos circinat angulos
 Mox graditur levius , mox majestate replet
 Tardius ad sonitum mensurat callida gressibus
 Et facies nivibus , roseisque venusta corallis
 Corporis eximie speciei congrua , magnum
 Ponderus ad applausum sociabat. Quilibet illi
 Ad mentes hominum rapiendas judicat aptata
 Sæpius ad Regis vultum saltando reversa,
 Arrisu tacito præcordia fascinat. Hisce
 Blanditiis Bertæ Rex incantatus amabat
 Pro mercede levis saltus , tenuisque choreæ
 Dimidium Regni , si postulet illa , referre
 Sed quid dimidium , si totum possit haberi
 Ex hominum numero veri Præcone remoto

Hinc ex consilio matris truculenta, resectum
 Pro mercede sibi caput exigit illa Joannis.
 Cumque relaxari sciret decreta morando,
 Postulat afferri, temulento Rege, resectum
 A cervice caput: sed quod crudelius, inter,
 Omnibus attonitis, Regalia fercula poni.
 Res caret exemplo: non me legisse recordor
 In quodam nostri, vel aviti temporis albo,
 Quod mulier saltu fuerit lucrata cruorem.
 Præcinuit sua fata sibi, Christoque Joannes,
 Dum retulit Domino, Ioto Jordanis in amne;
 Me decet *imminui*; sed te decet *exaltari*.
 Lucidiore nequit genus indigitare secuti
 Martyrii dicto: siquidem cruce latus in altum
 Christus obit; moriens Herodis ab ense Joannes
 Vertice truncatur. Latus sua colla securi
 Obtulit, in Domino condormiturus avitis
 Limbicolis, donec (quia noverat esse sequentis
 Anni curriculo solvendos carcere) tantis
 Associatus avis, Regnum Cœleste subiret.
 Te veneror pie Præco Dei, portamque sepulchri
 Hoc Epigrammatico signo sermone: Viator!
 Hoc in sarcophago, sectâ cervice, quiescit
 Veriloquus Præco, Domini Præcursor, amator
 Virtutis rigidus, clamantis vox in eremo,
 Ofor adulterii, legum defensor & æqui,
 Dux Patriarcharum, major virtute Prophetis,
 Sanguine conjunctus Christo, Baptismatis author:
 Hic Herodiadis pellaci cæsa rogatu
 Victima, præcessit Christum moriendo, brevique
 Ex Limbo Patrum, Domino præeunte, redibit.
 Triste latrocinium, quo pellex sæva Joannem
 Baptistam rapuit, detestabantur iniqui

Cum justis tanquam facinus, quod vindice C
 Puniri deceat. Nec Cœlum distulit iras ;
 Nam cum Divinos sibi præsumpsisset honores
 Herodes, * Superis inimica superbia tandem,
 Impletis scelerum mensuris, clade pudenda
 Aa. Languoris putridi tumidum dejecit ad Orcum
 12. Quem sequitur pellex, & adultera filia, tantum
 Asperitate mali privatae luminis usu ;
 Ut, quicumque legit majorum tempora, certo
 Sentiat indicio, Superos multasse furorem.
 Hactenus Æquoreis Galilææ Christus in oris
 Informando suos patriotas, dogmata Cœli
 Sparserat, & magno cumulaverat Æthera fructu
 Verùm Zacharide per atrociam funera raptis,
 Deseruit patrios, directo tramite, fines,
 Bethaniam versus; sub quâ ditione colebat
 Lazarus, eximia vir conditionis, opima
 Prædia: Martha soror domui præfecta, propinqua
 Externosque pari cum sedulitate fovebat.
 His, dum Bethaniam Divinis legibus ornat,
 Salvator placuit: nam conversatio dulcis,
 Distillansque favos, sibi conciliabat amorem.
 Post sudoriferos per quælibet oppida cursus,
 Hæc famulabatur reduci; civiliter ille
 Suscipiens Dominum, delectabatur amando.
 Joan. Tandem infirmatur tantæ vir fœdere Christo
 11. Junctus amicitia: soror exagitata molestis
 Curarum stimulis, pavet aspiciendo ferocis
 Sævitiem morbi, Christoque renunciat, illum,
 Quem non dividuo sibi confociasset amore,

* Poëtarum mos est homonymorum gesta in unum confundere
 caterùm hic fuit Herodes Agrippa, diversus ab Herode Antipato
 mocho.

Viribus orbatum, nimio languore teneri:
 Hac prece subjunctâ, quia sanum semper amâisset,
 Ut quoque languenti Medicus properaret adesse.
 Hac nova Salvator, tanquam præcognita, parvi
 Ducere conspicitur: siquidem vix illa viator
 Attulerat, Christus modò cognoscebat amicum
 Exhaustum crescente malo, vitæque supremum
 Nunc obiisse diem. Sociis lugentibus ægrum
 Significat dormire: solet, pia turba reponit,
 Solvere languorem somnus: tum Christus eosdem
 Clarius informat, juvenem, ponendo molesti
 Corporis exuvias, obdormivisse. Gemebant
 Solliciti super hoc comites, obitumque benigni
 Hospitis unisono cœperunt plangere luctu:
 Discipulos solito consolabatur amore
 Christus: atque viro, tulerat qui nuncia morbi,
 Ut referat Dominæ, quòd festinanter adesse
 Pollicitaretur; tacito sub pectore causam
 Adventûs celeris, Divinæque sensa premendo:
 Quamvis Discipuli, quibus experientia magnam
 Notitiam dederat taciti secreta Magistri
 Suspicionem piâ penetrandi, signa notarent
 In vultu Domini, præsignificantiæ grande
 Prodigium. Quare suspensos mente jubebat,
 Ut comitarentur, fratris funebria dignis
 Concelebraturi lacrymis: ad flebile prompti
 Accinguntur iter; Salvatorémque secuti,
 Serius adveniunt ad amica palatia Marthæ.
 Obvia lugubri vestitu Martha, ruebat
 Cum lugente pii germani fata sorore
 Magdalide, ad frugem Christo monitore reversâ,
 Ante pedes Domini; deplorabátque resumtis
 Fletibus excessum fratris; conquesta, fuisse

Absentem Medicum, cujus præsentia saluum
 Attactu minimo potuisset reddere fratrem.
 Omnibus in largos gemitus fletumque solutis
 Collacrymabatur Dominus; mandatq; sepulchrum
 Demonstrare sibi. Dissuadet Martha, refertque
 Computruisse situ, fœdâque ciere mephitæ
 Fraternali corpus; siquidem Sol quartus abire
 Quod sua præproperæ clausisset tempora vitæ.
 Non est, Martha, Dei manus abbreviata; resurge
 Lazarus, ajebat Christus: cui Martha: Resurget
 Ille quidem, novi, lux quando novissima tumbæ
 Angelicâ cunctos revocabit voce sepultos.
 Jam nunc, fide mihi, respondet Christus, eundem
 Quem sepelivistis, redivivo corpore fratrem
 Restituam vobis, & Patrem glorificabo.
 Nullis Salvator monitis remoratus adibat
 Defuncti tumulum: sequitur soror utraque, ponit
 Discipuli, pluresque gravi mœrore gementes
 Fata, & cum primis circumflua turba virorum
 Et matronarum, quos compatientia ductrix
 Moverat, in luctu mœstis lenire dolorem;
 Ac mirabantur Domini plorantis amorem.
 Spiritus infremuit Christi; saxoque remoto,
 Exclamat Dominus Jesus: Tibi Lazare mando,
 Progrediare foras! tenebrosa per ostia cryptæ,
 Vox ingressa movet pallentia membra sepulti.
 Immittens gelido sinui spiracula vitæ.
 Adrepat subito coopertus sindone, multo
 Sub populi plausu, redivivus Lazarus; omnia
 Ocyus à nexu solvuntur membra: sorori
 Redditur incolumis; quæ deponebat amictum
 Lugubrem, lacrymis in maxima gaudia versis.
 Hoc opus inensum, virtusq; stupenda, per omnia
 si-

Inacidum terras, vicinaque regna repente
 Notificabatur: concurrunt undique turmae,
 Ut videant hominem, Libitinæ gurgite mersum,
 Et ferme putridum, reparato corpore vivum.
 Multa recensentur, quæ Lazarus ille, tremendos
 Alterius vitæ casus spectantia, fidis
 Sub terrore gravi retulisse putatur amicis:
 Hæc tamen ambiguis, ut apocrypha, plena relatis,
 Malo putatitiis aliorum cedere fastis;
 Dum, quæ sola docet Scripturæ pagina, versu
 Prosequor. Interea Jesu, mea Vita, meaque
 Lux & Dux animæ! si decretoria magni
 Judicii hora venit, Superum me Cœtibus adde.

POESEOS SACRÆ ET PARTIS TERTIÆ
 INDUCTIO QUARTA.

S. LUCAS CAP 21.

Nam virtutes Cœlorum movebuntur: & tunc videbunt Fi-
 lium hominis venientem in nube cum potestate magnâ
 & Majestate. His autem fieri incipientibus, respicite & le-
 vate capita vestra, quoniam appropinquat redemptio vestra &c.

SYNOPSIS.

Dominus & Salvator noster Jesus Christus triste excidium ur-
 bis Hierosolymitanae, & multas totius terrarum Orbis cala-
 mitates prædicit, ac denique ultimum universalis Judicii diem,
 cum omnibus in illo die evenientibus circumstantiis, pro nota-
 bili cautela describit.

Eminens aspiciens Solymæa palatia Christus
 Illacrymabatur Templi domuumque ruinis; Luc. 19.41.
 Quas ob commissas, committendasque protervas
 Indomitæ gentis noxas, astare videbat
 Præ foribus. Tardat Nemesis Divina subinde
 Ultrices frameas, sed postea duplicat ictus.
 Intererat quidam turbis, qui nobile Templi

Matt.
24.1.
Mi-